

¡BOMBA!

Los dos partidos egregios que se decían aliados, votaron muy preocupados por perder sus privilegios



k'uintsil

Jueves 12 de marzo de 2026

CAMPECHE · YUCATÁN · QUINTANA ROO · AÑO 11 · NÚMERO 2682 · www.lajornadamaya.mx

Ajxaak'alo'obe' tu kopiarto'ob u ts'o'omel u pool juntúul xya'axkach ti'al u ts'a'abal ti' síimulador díijital

Jump'éeel tuukul mantats' yaan ich siiensyáa-fixione, leti'e' u béeytal u kopiarta'al jump'éeel ts'o'omel pool ti'al u ts'a'abal ti' jump'éeel síimulaador díijital. Ba'ale' lela' jaajchajij. Tu jo'olaj jayp'éeel ja'abo'ob meyaj beeta'ab tumen jejeláas múuch'o'obe', béeychaj u yáax kopiarta'al ti' jump'éeel síimulaador díijital yaan ichil sisteemáa néerbiosoo juntúul ba'al kuxa'an, ti'al beyo' u béeytal u beeta'al jump'éeel reed núueronal díijital yéetel le je'el u béeytal u máanejarta'al jump'éeel wiínkilal síimuladóo xan.

U mola'ayil Eon Systemse' tu ts'áaj k'ajóoltbil le 7 ti' marzo máanika, jump'éeel kóom cha'an tu'ux ku yila'al u wiínkilal juntúul xya'axkach de birtuual, beeta'an yéetel síimulaasyoone', péeksa'ab tumen jump'éeel koopia díijital ti' sisteemáa néerbiosoo de jach jaaj.

Beey túuno', yéetel maapa néeuronal beeta'ab ichil u meyajil FlyWire tu ja'abil 2024,

u múuch'il ajxaak'al máako'ob Eon Systemse', béeychaj u beetiko'ob le 139 mil neuroonas yéetel le maanal 50 miyoonesil

siinapsis yaan ichil u ts'o'omel u pool juntúul xya'axkach. Yéetel u meyajil NeuroMechFly v2, beeta'ab jump'éeel modeelo neuromekaanikóo yéetel le kopiarta'ab tuláakal u seentidosil le xya'axkacho', beyxan bix u yu'ubik ba'ax yaan tu bak'pachil. Le beetik béeychaj u yantal u birtuual wiínkilal ti'al u péek keen yanak estimulos.

Meyaje' noj ba'al tumen ma' íntelijeensyáa áartifisyaaali', ts'o'omel pool de "jaaj" tumen ku meyaj yéetel bioloójikóo ba'alo'ob, chéen ba'axe' tuláakal díijital; neuronaobe' ku na'atiko'ob ba'ax ku k'uchul ti'obe' ts'o'oke' ku túuxtiko'ob t'aan ti'al u péek le díijital wiínkilalo'.

Jxaak'al Alexander D. Wiessner-Gross, juntúul ti' le máaxo'ob jo'olbes meyaj, tu ya'alaj u tuukulil Eon Systemse' leti' u béeytal u nupa'al díijital neuronas ti'al u béeytal u péeksa'al tu beel u ts'o'omel u pool juntúul ch'o', kex 560 u téenal maas talam u béeytal keetel yéetel juntúul xya'axkach, tumen u ti'ale'chéen 75 miyoonesil neuronas yaan ti'.

simultaneous brain emulation

Miguel Latapí

lajornadamaya.mx